

兩  
浙  
名  
賢  
錄

兩浙名賢外錄卷之五月次

空空

唐二

師彥

僧紹

遂端

清觀

洪楚

明覺

解脫和尚

道齊

代病

守約

佛日

僧容

咸澤

鑑空

俱胝

從朗

全玘

惟靖

藏奐

子濬

重雲

慧稜

承清

光範

心鏡

道明

曇超

寂中

普岸

利蹤

陳尊宿

延昭

陳謙

楚南

宗徹

全宰

師靜

附小靜

常通

玄機

五代

文喜

道愆

師郁

靈照

令參

宗靖

文偃

師彙

子儀

虛受

可周

鴻楚

鴻莒

全清

辨此

道育

宗季

皓端

從禮

桂琛

文益

法瓌

惠明

德韶

志逢

慧明

承安

清昱

顯濟

通潛

清聳

本先

宗一

緣德

圖遠

寶達

蔣居士

得倫

延壽

晤恩

朋彥

行脩

文遂

義澄

幼璋

從瓊

紹巖

遇安

師簡

游道者

智勤

友蟾

全肯

曉榮

慶祥

行明

遇安

遇臻

義寂

王羅漢

行珩

彥求

目錄終

兩浙名賢外錄卷之五

東海徐象梅仲和氏誤

貴國樊齊宏謙終氏閔

空空

唐二 共四十人

師彥

師彥閩越人姓許氏自幼披緇依年秉戒精進勇猛時稱法寶初禮巖頭致問曰如何是本常理巖頭曰動也曰動時如何巖頭曰不是本常理彥沉思良久巖頭曰



青卽未脫根塵不肯卽永泥生死彦卽領悟身心皎如  
尋抵丹丘終日如懸門衆傾慕請住瑞岩統衆嚴整江  
表稱之僧問頭上寶蓋現是下雲生時如何彦曰披枷  
帶鎖漢曰頭上無寶蓋是下無雲生時如何彦曰猶有  
紐在曰畢竟如何彦曰齋後因問作麼生商量卽得不  
落階級彦曰挑不出曰爲什麼挑不出彦曰他從前無  
階級曰未審居何位彦曰不坐普光殿曰還理化也  
無彦曰名聞三界重何處不歸朝一日有村媪來作禮  
師曰汝疾歸去救取數千物命媪匆忙至舍乃見兒嬾

提竹器拾田螺歸。媼接取放處水濱。彥之異迹頗多。存諸別錄。

僧紹

僧紹不知氏族。初叅涌泉和尚。入室領旨。一日燒畬歸院。泉問去甚處來。紹曰。燒畬來。泉曰。火後事作麼生。紹曰。鐵蛇鑽不入。泉許之後。居台州六通院。玄侶依附。僧問承聞南方有一劍話。如何。是一劍。紹曰。不當鋒。曰。頭落又作麼生。紹曰。我道不當鋒。有什麼頭。其僧作禮而去。紹休夏入華頂峯。晦迹莫知。所終。

遂端

遂端慈鄉人投師德潤寺日誦法華經至老不懈咸通十二年跌坐而化須臾口出青蓮花七朶芬芳異常空東山之下二十餘年冢屢發光衆開視之形質如生遂迎還寺漆室奉之號青蓮法華尊者

清觀

清觀字明中臨海人姓屈氏初生手足指間有幕蹠相屬佛經所謂網綬相也稍長神俊挺然有出塵之思遂投國清寺事元璋律師十八受具洞明三觀兼得深定

神異通感人莫我知。大中癸酉。注表荐飢。辟路相望。乃罄其糧食。以施餓者。令山僧物外度荒。自入室禪定。謂弟子曰。汝如不死。至禾黍熟。當以罄引我出。果如其言。明歲方從定起。遠近瞻禮。不耐煩聒。逃往華屏山。蘭若獨居。後以無疾終。

### 洪楚

洪楚。永嘉人。雲教寺祖師。初會昌中。寺創廢。師戒行高峻。宗旨貫通。大顯開。晝夜講誦經法。陸地忽生蓮花。每有靈蛇蟠簾下。聽法。刺史朱褒異之。聞於朝。有旨復置。

寺法輪後轉楚之力也

明覺解脫和尚附

明覺麗水人住南明山雪竇禪師頌之曰三界無法何處求心白雲爲蓋流水作琴一曲二曲無人會雨過夜堂秋水深時有解脫和尚者亦住南明嘗月夜靜坐依華嚴經入佛光定感化佛出現由是悟入三摩地辯才無封當時禪學之士皆言法中義虎南明有二

道齊

道齊姓趙氏錢塘人少爲諸生在去出家定水習毘尼

法後住天竺修習禪定行柱多行冥坐石窟中猛虎毒蛇皆爲馴伏時山椒乏水以錫杖刺地迸泉應手而出用周香積四方義學請講華嚴經時雪深牛目忽生異花二本狀若芙蓉熠燿之光映於講席四衆嗟歎見所未見後卒於所住

### 代病

代病天台人七歲出家國清寺受戒法大曆元年登太行遊霍山乃深入幽邃結茆而居嘗有盜入室忽見二虎據路盜不敢出代病適歸盜叩頭陳悔代病乃摩娑

虎頭勅令縱盜。又有寘毒於酒者。賄貧女往施之。代病  
已知。竟執杯一啜。而盡。俄酒氣及兩足脛。出地爲墳。裂  
聞者驚。惟以爲神。汾隰西河人有病。只給與淨水飲之。  
必瘳。貞元中。跏趺示滅。

守約

守約。麗水人。誦法華經。有悟。人稱之曰約。法華遍遊諸  
方。叅決疑義。晚住天臺靈隱院。嘗夜歸。守門行者夢伽  
藍神呼之。覺曰。佛歸。起開門。約適及門。寺僧咸異之。後  
跏趺坐而化。

佛日

杭州佛日和尚不知何許人初游天台嘗曰如有人奪  
得我機者卽我師矣尋抵於江西謁雲居膺和尚作禮  
而問曰二龍爭珠誰是得者雲居曰卸却業身來相見  
對曰業身已卸曰珠在什麼處師無對遂投誠入室禮  
雲居爲師次叅夾山遂得無生之智後回住杭州佛日  
而終

僧容

僧容未詳何許人初住貞溪後居處州廣利蘭若機鋒



峻利。叅扣者。多死於言下。僧問魯祖。面壁意作麼生。客良久曰。還會麼。曰。不會。客曰。魯祖面壁。客一日謂衆曰。若到來廣利門下。湏道得第一句。卽開一線道。與兄弟商量。時有僧出禮拜。客曰。將謂是異國船主。元來是此郡商人。後卒於住處。

咸澤

咸澤不知何許人。初叅保福。展和尚。保福問曰。汝名什麼。師曰。咸澤。保福曰。忽遇枯澗者。如何。澤云。誰是枯澗者。保福曰。我是。澤曰。和尚莫謾人好。保福曰。却是汝謾。

我澤既承長慶印記後住靈隱山寶嚴道場玄素領仰  
大弘道法僧問如何是廣嚴家風澤云師子石前雪水  
響難籠山上白猿啼後不測所終

### 鑑空

鑑空吳興人嘗舉秀才不第因游吳楚間元和初值錢  
唐荒儉擬求餐於天竺寺至孤山西溪甚不前坐而雪  
涕有一梵僧臨流而坐顧空笑曰法師秀才旅游滋味  
足未空曰旅游滋味則已足矣法師之呼一何乖謬梵  
僧曰子不憶講法華經於同德寺乎空曰生身已四十

五歲矣。盤桓吳楚間，未嘗涉淮泗。又何洛中之說僧曰：子應爲飢火所燒，不暇計憶。故事，遂探囊出一棗，大如拳。許曰：此吾國所產，食之者上智。知過去未來事，下智止於知前生事耳。空飢極，食棗，搗泉飲之。忽欠伸枕石而寢。頃刻乃寤，憶講經於同德寺，宛如昨日。因增涕泣。問僧曰：震和尚安在？曰：專精未至，再爲蜀僧矣。今則斷孽緣也。神上人安在？曰：前願未滿，悟法師焉在？曰：豈不記香山石像前戲發大願乎？若不證無上菩提，必願作糾糾貴臣。昨聞已得大將軍矣。當時雲水五人，惟吾得。

解脫獨決爲凍餒之士也。空泣曰：某四十年來，日惟一餐三十餘年，擁一褐，捉襟露肘，不完也。浮沉之事，決斷根源，何期福薄，坐於飢凍。僧曰：由師子座上，廣說異端，使學空之人心生疑惑。戒珠曾煉，靈氣微存，聲渾響清，終不可致質僂影曲。報應宜然。空曰：爲之奈何？僧曰：今日之事，吾無計矣。他生之事，當警於吾子焉。乃探鉢囊，取一鑑，背面皆瑩徹。謂空曰：要知貴賤之分，修對之期。佛法興替，吾道盛衰，宜一鑒焉。空照久之，謝曰：報應之事，榮枯之理，謹知之矣。僧收鑑入囊，遂挈而去，行十餘

步放失所在。空是夕投靈隱寺出家。受具足戒。後周遊名山。愈高苦節。太和元年。詣洛陽。遇河東柳瑤。親話其事。瑤甚奇之。空曰。我生世七十有七。持鉢乞食。尚九年在世。吾捨命之日。佛法其衰乎。瑤詰之。默然不答。乃索筆。硯題數行於北垣而去。曰。興一恒沙。衰一恒沙。兔而豕。犬而犢。牛虎相交。與角牙寶。檀終不滅。其華。

俱胝

俱胝。未詳其名氏。或云婺州金華人。初住庵時。有尼名實際。到庵。戴笠子。執錫。遠胝三匝。云。道得。卽拈下笠子。

三問。胝皆無對。尼便去。胝曰。日勢稍晚。且留一宿。尼曰。道得卽宿。胝又無對。尼去後。胝歎曰。我雖處丈夫之形。而無丈夫之氣。擬奔庵往。請方叅叩。其夜山神告曰。不須離此。將有大菩薩來。爲和尚說法也。果旬日。天龍到庵。胝乃迎禮。具陳前事。天龍豎一指。指示之。胝當下大悟。自此凡有叅學僧到胝。惟舉一指。別無提唱。有一童子於外。被人詰曰。和尚說何法要。童子豎起指頭。歸而舉示胝。胝以刀斷其指。童子叫喚走出。胝召一聲。童子回首。胝却豎起指頭。童子豁然領解。胝將願世謂衆曰。吾

得天龍一指頭禪。一生用不盡。言訖示滅。

從朗

從朗未詳何許人。得法於從諗禪師。住婺州木陳開筵講說。大鳴法鼓。有僧問。放鶴出籠。和雪去時如何。師曰。我道。一色因金剛倒。僧問。既是金剛。不壞身。爲什麼倒。師敲禪床曰。行住坐卧。師將歸寂。有頌曰。三十年來住木陳。時中無一假。功成有人問。我西來意。展似眉毛。作麼生。言訖合掌而逝。

全訖

全現餘杭人入徑山禮法濟大師求剃染稟質強濕力耐飢寒諸所叅求略得周徧晚於衡嶽中結茆以居木食澗飲紉軟草爲衣寒暑不易有以詩贈者云窠居更後有何人傳得如來法印真昨日祝融峯下見草衣便是雪山身別事詳南嶽高僧傳中

惟靖

惟靖吳門人年三十許入國寧寺巡僧房唱曰要人出家請留下至經藏院見二衆闍黎大德慧政便跪拜伸誠願客執侍政公許之遂與翦飾後於天台受具嘗昧



莫赴禪林寺晨粥而多虎豹隨到寺門靖既入虎即羣  
坐地上若伺候然靖出復隨之以去遲明虎跡極多靖  
恐人知鋤滅虎跡俄患背疽困睡有鴝鳥糞於瘡所非  
久全愈又虞冰雪備杭粒半斗許置地窖中每日以錢  
合米煮食過明用米常滿不耗靖乃築之而云吾被此  
物知非理也卒年七十有三

### 藏與

藏與俗姓朱華亭人卅歲出家弱冠詣嵩嶽受具遊方  
訪道復謁五洩雪默大師一言辯析旨趣符合會昌法

廢梵夾煨燼。與手緝散落。實爲大藏。尋居鄆水之棲心寺。禪者雲會。詰難排縱之衆。攻堅索隱之士。一經指掌。皆立奉。苦霧坐泮。堅冰以成。通七年。坐逝。諡曰心鑑大師。

### 子璿

子璿秀州人。有道行。註華嚴經八十一卷。造精嚴寺講。楞嚴經。自作疏。未作疏時。夢文殊入口。旣畢。夢文殊出口。疏成。紙爲之貴。後踟蹰而寂。以兩篋合之。葬真如寺。宋建炎初。金兀朮兵至。發之。見手爪。遶身。復瘞之而去。

重雲

重雲諸暨人九歲出家受具足戒建寺於酥溪東岩卓錫而坐。脇不至席者四十年。因名其岩曰睡魔。乾符二年。跌坐而化。肉身至今不壞。

慧稜

慧稜鹽官人。年十三於蕪州通玄寺出家。遂叅靈雲。問如何是佛法大意。雲口。鹽事未去。馬事到來。稜於是往雪峯玄沙。二十年間。坐破七箇蒲團。不明此事。一日捲簾。忽大悟。乃頌曰。也大差也。大差捲起簾來。見天下有。

人間我解何宗拈起拂子聲角打峯謂玄妙曰此子微  
去也沙曰未可此是意識著述更須勘過始得至晚來  
僧上堂問訊峯謂稜曰備頭陀未肯汝在實有證對舉  
舉來稜又頌曰萬象之中獨露身惟人自肯乃相親昔  
時謬向途中覓今日看來火裏冰峯乃領玄妙曰不可  
更說是意識著述

永清

永清義烏人戒行孤高不事形骸衣粗食糲四十餘年  
廣愛院乃其卓錫之所一旦兩肩有三童子顯示所居

清曰左肩屬陽右肩屬陰陽本乎天宜居內爲一寺之主陰本乎地宜居外爲一方之神言訖不見清瞑目而逝今院中護伽藍神與縣北百步之山王神卽二童子  
光範

光範嘉興人童子時事靈祐禪師學通經律初居空王寺更居靈光寺與義學數百人朝夕講讀嘗舉百流會歸之說自吳南北郡邑縉衣咸來受法著釋會章句凡十五卷

心鏡禪師鄞人得蘊空三昧黃巢至栖心寺師聞之語  
衆避去獨坐禪牀巢執刀問曰和尚爾見不眨眼殺人  
的將軍麼答曰汝見不怕死的和尚麼巢舉刀向師師  
以指麾之刀落禪牀之角如是者三師大聲叱之巢不  
覺驚悸師偈云百萬貔貅入我家老僧不悟拙空華揮  
刀三下禪牀角只爲將軍眼見花巢放刀禮拜乞度師  
云可往雪竇山度汝巢旣去師曰呆子好殺不忌嘗謂  
須日月並明見雪則止今明州雪竇非彼死地邪巢果  
至雪竇死

道明

道明睦州人生時紅光滿室父母異之長入開元寺爲僧并法於黃葉斷際禪師常自織草屨粥以養親及施行路者黃巢兵壓境郡人海懼明告以勿憂乃爲大草屨令標之三十里外木杪巢見之卽舍去自是郡人益尊禮之或有參叩隨問隨答宋元符中賜號悟空禪師

曇超

曇超住玉泉寺獨宿靈苑諸山一定累日虎兇不傷俄龍化老人語曰鹿山民鑿龍室怒久不用乞往誨之師

命致水撫掌而玉泉出因往戒龍雨洽歲遂有秋

寰中

寰中生有異相母歿廬墓出家童子寺受心印於百丈  
禪師後居大慈山乏水夢神曰我遣童子泉來旦見二  
虎爪跑泉涌嘗示衆云說得一丈不如行得一尺說得  
一尺不如行得一寸南泉趙州雪峯岩頭咸就問法今  
稱其卓錫處曰祖師堂泉曰虎跑泉

普岸

普岸洪州人於百丈門下得旨後卓錫天台建平田禪



院而居之學者雲集。隨機說法。有時謂衆曰。神光不昧。萬古常新。入此門來。莫存知解。又曰。大道虛曠。常一真心。善惡勿思。神清物表。隨緣飲啄。更復何爲。終於本住。賜額曰壽昌岸禪師。卽壽昌開山和尚也。

### 利蹤

利蹤。澧州人。姓周氏。幽州開元寺出家。依年受具。後入南泉之室。乃抵衡州之馬蹄山。結茆宴居。後遷子湖創院。一日上堂示衆曰。子湖有一隻狗。上取人頭。中取人心。下取人足。擬議卽喪身。失命。僧問如何。是子湖一隻

狗師曰。嗥嗥。臨濟下二僧到。叅方揭簾。師曰。看狗。二僧  
廻顧。師歸。方丈師居子湖。說法四十五年。廣明中無疾  
示滅。世壽八十有一。僧臘六十有一。

### 陳尊宿

陳尊宿。不知何許人。初居睦州龍興寺。晦迹藏用。製草  
屨。密置道上。歲久人始知之。乃有陳草鞋之號。時有學  
人叩激。隨問。遽答。詞語峻險。諸方推服。謂之陳尊宿。一  
日晚。叅謂衆曰。汝等諸人。未得箇人頭。須得箇人頭。若  
得箇人頭。已後不辜負老僧。時有僧出禮拜。曰。某甲終

不敢辜負和尚。師曰：「早是辜負了我也。」師看經次，陳操尚書問和尚看什麼經。師云：「金剛經。」尚書云：「六朝翻譯此當第幾譯？」師舉起經云：「一切有爲法如夢幻泡影，有僧扣門。師云：「作什麼？」云：「已事未明，乞師指示。」師云：「這裡只有棒方開門。」其僧擬問師便捫其口，後不知所終。

延昭

延昭，餘杭人。發迹越州，未幾堂裏往叅南院。初見不禮拜，便問曰：「入門須辨主。」端的請師分。南院以左手拈腰，師喝。南院以右手拈腰，師又喝。南院舉左手曰：「這箇師。」

從閭梨又舉右手曰這箇又作麼生師曰瞻南院擬拈拄杖次師曰作什麼奪拄杖打着老和尚莫言不道南院曰三十年住持今日被黃面浙子上門羅織師曰和尚大似持鉢不得詐言不飢自後應爲仰之懸記出世聚徒南院法道由是大振一日上堂曰祖師心印此日全提去卽印住住卽印破只如不去不住印卽是不印卽是衆中還有道得者麼時有廬陂長老問曰學人有鐵牛之機請師不搭印師曰慣釣鯨鯢澄巨浸却嗟蝸步碾泥沙廬陂擬進語師以拂子驀口打乃曰記得前

語度盧陂曰記得師曰該舉看盧陂欲開口師又打一拂便下座

德謙

德謙未詳氏族或云即婺州人受羅山印記靡滯一隅激揚玄旨諸者宿皆畏其敏捷後學鮮敢當其鋒者在婺州智者寺居第一座尋常不受淨水主事僧問曰因什麼不識觸淨水不肯受謙下床拈起淨瓶曰這箇是淨主事無語謙乃拍破淨瓶自爾道聲遐播衆請居明招山開法四來禪者盈於堂室謙見新到僧纔上法堂

乃舉起拂子却擲下其僧珍重便下去謙曰作家作家  
謙嘗有頌示衆曰明招一拍和人稀此是真宗上妙機  
石火瞥然何處去朝生鳳子合應知謙住明招四十載  
語句流布諸方將欲遷化其夜展足問侍者曰昔釋迦  
如來展開雙足放百寶光明汝道吾今放多少侍者曰  
昔日霍林今日和尚謙以手拂眉曰莫辜負麼又說偈  
曰募刀藥裏逞全威汝等應當好護持火裏鐵牛生犢  
子臨岐誰解奏吾機偈畢安坐寂然長往

楚南

楚南閩中人姓張氏弱冠出家詣五臺具戒雖精研法  
義而未了玄機往奉黃蘗黃蘗問曰子未現三界影像  
時如何南曰卽今非有蘗曰有無且置卽今如何南曰  
非今古蘗曰吾之法眼已在汝躬晚住杭州千頃山慈  
雲院振黃蘗玄風一日上堂曰諸子設使解得三世佛  
教如瓶瀉水及得百千三昧不如一念修無漏道免被  
人天因果繫絆時有僧問無漏道如何修南曰未有聞  
衆時體取曰未有某甲時誰人體南曰體者亦無唐昭  
宗聞其道化普賜鹿胎衣五事南受而不服或問之曰

唐旣非宜胎尤不忍一旦雙虹貫日群衆坐脫後亂兵  
焚塔爪髮俱長俱讚歎作禮拚而後去

### 宗徹

宗徹吳興吳氏子幼歲出家依年受具往叅黃蘗一見  
以爲法器許入室領旨後居杭州羅漢院化徒三百僧  
問如何是西來意師曰骨剉也師對機多用此語故時  
人因號爲骨剉和尚未幾遷化塔於大慈山塢

### 全宰

全宰錢塘人孩抱之間不喜葷血長從徑山法濟大師



刪染及修禪觀。亭亭高聳不離風塵。又得石霜印證。密  
加保任。入天台山開岩。卓錫以居。岩多魑魅木怪。藂萃  
其間。宰居二十餘年。惡鳥革音山。精讓窟出入經行。鬼  
神執役。後於鎮國院坐脫。

師靜 小靜附

師靜不知何許人。始遇玄沙。示衆云。汝諸人但能一生  
如喪考妣。吾保汝究得徹去。靜乃躡前語而問曰。只如  
教中不得以所知心。測度如來無上知見。又作麼生。玄  
沙曰。汝道究得徹底。所知心還測度得及否。靜從此信

入後居天台三十餘年足不下山博綜三學操行孤正  
禪寂之餘常閱龍藏時謂大靜上座嘗有僧問曰弟子  
每當夜坐心念紛飛未明攝伏之方願垂示誨靜曰如  
或夜閑安坐心念紛飛却將紛飛之心以究紛飛之處  
究之無處則紛飛之念何存返究究心則能究之心安  
在又能照之智本空所緣之境亦寂寂而非寂者蓋無  
能寂之人也照而非照者蓋無所照之境也境智俱寂  
心慮安然外不尋枝內不住定二途俱泯一性怡然此  
乃還源之要道也時有小靜上座與之齊名人稱二靜

後俱卒於本住。

常通

常通邢州人。姓李氏。入鵲山出家。從開元寺受戒。習經律。凡七年。忽慨然歎曰。摩騰入漢譯著斯文。達磨來梁復明何事。遂遠叅長沙岑和尚。岑問曰。何處人。曰。邢州人。岑曰。吾道不從彼來。曰。和尚還曾住此。無岑然之。乃客入室。後往洞山石霜。而法無異味。咸通末。住宣州瑞聖院。大開法席。四方義學。一受鉗錘者。無不立成偉器。光啓中。羣盜並起。遂領徒衆至四明。居於雪竇。慘然感。

化天祐初示疾集衆焚香付囑竟合掌而逝

玄機

玄機瑞安人宿覺師女弟咸通間築庵大日山坐禪往  
叅雪峯禪師師曰從何地來答曰大日山來師問日出  
也未答曰日出時銘了雪峯言下契悟後住溫州淨光  
寺側立而化宿覺喟曰汝生也顛倒死也顛倒乃仆殯  
後一夕大雷電龕不見尋之則在大日岩竇中因名其  
岩曰機岩

五代 共六十二人

文喜

文喜嘉禾樂見人姓朱氏七歲出家戒律精嚴爲法中龍象往叅洪州仰山言下頓了心契嘗禮五臺忽見文殊跨師子綠羃耳文喜訶曰文殊自文殊文喜自文喜遽掌之文殊湧空曰苦私連根苦甜瓜徹蒂甜脩行三大劫却被老僧嫌後築室千頃山會黃巢之亂避地湘州值仁王院光啟三年錢王請住龍泉廢署僧問如何是涅槃相文喜曰香烟盡處驗問如何是自己喜默然僧問措喜曰青天蒙昧不向月邊飛光化二年示疾十

月二十七日夜子時告衆曰。三界心盡。卽是涅槃。言訖。跏趺而逝。遷塔於靈隱山西塢。後宣城帥田頎叛。縱火大掠。發喜塔。覩肉身不壞。髮爪俱長。武肅王異之。遣禪將邵志重封瘞焉。

### 道愆

道愆永嘉人。姓陳氏。受具遊方。得法雪峰。闍中謂之小愆。布衲後徧歷諸方。益資權智。因訪曹山寂和尚。問什麼處來。曰。昨日離明水。寂曰。什麼時到。明水曰。和尚到時到。寂曰。汝道我什麼時到。曰。適來猶記得。寂曰。如是。

如是憇罷叅受止越州鏡清禪院唱雪峰之旨學者奔  
湊錢王欲廣府中法會命居天龍寺始見憇歎曰真道  
人也致禮勤厚由是吳越盛於禪學又創龍冊寺延請  
居之僧問如何是人無心合道憇曰何不問道無心合  
人曰如何是道無心合人憇曰白雲乍可來青嶂明月  
那教下碧天晉天福二年八月示滅黑白袈裟制服者  
甚衆茶毗於大慈山獲舍利無筭就龍母山之陽建塔

師郁

師郁泉州人自得雪峰心印化緣盛於杭越之間後居

西興化度院大弘法席僧問如何是一塵郁曰九世利  
那分曰如何會得法界郁曰法界在什麼處問牛頭未  
見四祖時如何曰鳥獸俱迷見後如何曰山深水冷問  
維摩與文殊對談何事郁曰唯有門前鏡湖水清風不  
改舊時波自是法音振於遐邇錢王欽其道德奏紫衣  
賜號曰悟真大師

### 靈照

靈照高麗人也萍游閩越升雪峰之堂冥符玄旨一夕  
指半月問溥上座那一半什麼處去也溥曰莫妄想照



曰失却一片也。衆雖歎美而恬淡自持。初止婺州齊雲山。次居越州鏡清院。禪衆翕然。僧問菩提樹下度衆生。如何是菩提樹。照曰。大似苦練樹。曰。爲什麼是苦練樹。照曰。素作良馬。何勞鞭影。錢王建龍華寺。迎傳大士靈骨。道具貯焉。命照住持。晉天福中卒。塔於大慈山之陽。世壽七十有八。

令參

令參湖州人也。自雪峰受記。止於明州翠岩。大張法席。止堂曰。今夏共諸人語論。試看翠岩眉毛還在麼。問。凡

有言何。畫是點污。如何是當要處。參曰。大衆笑。汝問坦然不滯鋒鏖時如何。參曰。大有人作此見解。曰。畢竟如何。參曰。坦然不滯鋒鏖。錢王欽其道風。請居龍冊寺終焉。

### 宗靖

宗靖。台州人。初參雪峰。密承宗印。罷叅後。止於六通院。錢王請居龍興寺。演無上乘。黑白駢擁。僧問如何。是六通奇特之唱。靖曰。天下舉去。問如何。是和尚家風。靖曰。早朝粥齋時飯。曰。更請和尚道。靖曰。老僧困。曰。畢竟作

慶生靖大笑而已。錢王特加禮重。署曰大通大師。

文偃

文偃嘉興人。少依兜率院得度。博通大小乘。棄之遊方。初至睦州。聞有老宿。飽參古寺。掩門織蒲。屢養母。往謁之。方扣門。老宿推之曰。道道。偃驚不暇荅。乃推出。曰。秦時轆轤鑽。隨掩其扉。偃損右足。去謁雪峰。存存。方乘塊。垣爲衆說法。偃犯衆出。熟視曰。項上三百斤鐵枷。何不脫却。存曰。因甚。到與麼。偃以手自拭其目。趨去。存心異之。明日。陞座曰。南山有鼈鼻蛇。諸人出入好看。偃以拄。

杖。擡。出。又。自。驚。慄。自。是。輩。流。改。觀。又。訪。曹。山。章。公。問。如。何。是。沙。門。行。章。曰。弊。常。住。苗。稼。者。曰。便。與。麼。去。時。如。何。章。曰。汝。還。畜。得。麼。曰。學。人。畜。得。章。曰。汝。作。麼。畜。曰。着。衣。喫。飯。有。甚。什。麼。難。章。曰。何。不。道。披。毛。帶。角。偃。卽。禮。謝。造。曹。溪。禮。塔。訪。靈。樹。敏。公。遂。爲。第。一。座。俄。還。止。雲。門。光。泰。寺。天。下。學。者。望。風。而。至。偃。昇。悟。廣。大。箭。鋒。所。對。徃。徃。出。於。游。戲。其。作。偈。句。尤。不。能。測。嘗。曰。上。不。見。天。下。不。見。地。塞。却。咽。喉。何。處。出。氣。每。顧。見。僧。卽。曰。鑒。咦。而。錄。之。者。曰。顧。鑒。咦。德。山。密。禪。師。刪。去。顧。字。但。曰。鑒。咦。叢。林。目。以。爲。

抽顧頌漢乾祐二年坐化以全體葬之宋乾德元年雄武軍節度推官阮紹莊夢偃以拂子招曰寄語秀華宮使李托我在塔久可開塔乎托時奉使韶州監脩營諸寺院因得紹莊之語奏聞奉聖旨同韶州牧梁廷鄂至雲門山啟塔見偃顏貌如生髭髮盡長具表以聞有旨李托迎至京師供養月餘送還山仍改爲大覺禪寺謚大慈雲匡真弘明大師

師彙

師彙諸賢人初參雪峰未蒙許可後因問王請於清風

樓齊坐久舉目忽覩日光豁然頓曉卽說偈曰清風樓  
上赴官齋此日平生眼豁開方知普通年遠事不從慈  
嶺路將來歸呈雪峰雪峰肯之僧問何如是佛身龜曰  
汝問那箇佛身曰釋迦佛身龜曰舌覆三千界龜將示  
寂集衆說偈曰眼光隨色盡耳識逐聲消還源無別旨  
今日與明朝偈畢跏趺而逝號曰鑒真大師

### 子儀

子儀溫州樂清人姓陳氏得法鼓山棲心天竺錢忠懿  
王聆其道譽命開法於羅漢光福二道場海衆臻泰上

堂示衆曰久立大衆更待什麼不辭展拓却恐悞於禪  
德轉迷歸路時寒珍重儀將下堂僧問下堂一句乞師  
分付儀曰携履已歸西域去此山空有老猿啼問如何  
脩行卽得與道相應儀曰高卷吟中箔濃煎睡後茶尋  
回故山雍正三年示滅

虛受

虛受嘉禾樂兒人學通內外住大善寺講涅槃經維摩二  
經因憤謙雅等師釋崇福疏繁畧不中其猶以水濟水  
終無必濟遂撰義評鈔十四卷受於涅槃辯而作畧仍

多岐義小遠之疏免爲青蠅之玷餘則法華百法唯識  
各有別行義章一時稱爲義虎鎮武肅王於會稽開元  
寺度戒命受充監壇選練吳會間行此職者自受始盡  
周光乙酉示滅

可周

可周晉陵人姓傅氏出家建元志勤問學同衣勉之曰  
非其地樹之不生今豫章經謂之江論謂之海胡不徒  
請業乎周遂挈囊達彼遇雲表法師咸集窮法華慈惠  
大疏日就月將幹運深趣旋自江西廻台越之國隨機



啟發尋住杭州龍興寺開演黑白衆恒有半子武肅王  
命於天寶堂夜爲冥司講經鬼神現形護衛武肅王親  
其神異愈爲鄭重資中金如意一莛紫衣一襲加號補  
志通明大師

海楚

海楚字方外姓唐氏永嘉人生而符彩器度宏曠出家  
越之龍宮寺推爲上座錢武肅王於龍興寺開度戒壇  
召爲壇首因薦薦於梁賜紫衣師號固讓弗受終不掛  
體自言涼德何稱法門命數之服詩人鄭說贈之以詩

有集上紫衣。開不着案頭金字坐長看之。句楚神氣清。  
真豐願。瞻腹目不邪視。願必廻身世俗之言。不輕掉舌。  
講法華經。積五十許座。講堂中忽生蓮花。重跢複葉。香  
氣芬鬱。長興中無疾而化。

鴻莒

鴻莒鴻起之兄。同捨俗龍宮。以誦法華經得度。復往長  
安學律。強記多聞。爲流輩所推。歸鄉請受。二衆依止。晝  
夜經行。鬼神扶衛。或爲然燭。或代添香。皆鬼物也。時水  
滂。存饑有羣劫人。其室苦待之如賓。躬作食飼之。日徐

去深山無人汝曹爲天災所困耳羣劫拜謝而去弟  
子中有欲襲其不備者苾曰非我弟子我舍此永入深  
山矣長典中踟躕坐逝至三更手敲龕門者三弟子號  
泣啟視苾云急與吾換新衣緣佛土諸上善人嫌吾服  
章不淨易畢便終七日頂暖時院中有巨犬三獒猛善  
噬遠塔日隨人馴狎時山中麋鹿飛鳥相叅犬無擊搏  
獸不驚奔葬後有虎逃墳號呼其精能感物如此

全清

全清越人也釋耘戒地芥然杜若得密藏禁呪之術能

厭勅鬼神時有市繒王家之婦患邪氣言語任倒或啼或笑如是數歲召請治之乃縛草人長尺餘衣以五絲置之於壇禁咒之良久婦人乞命遂詰之曰頃歲春日於禹祠前相附耳如師不見殺卽放之遠去清乃取一絛以鞭驅錫重入其中而嘓嘓有聲絛銛口以六一泥朱書符印之瘞於桑林之下戒家人勿動婦人病差却後五年值劉漢宏與董昌隔江相持越城陷人謂此爲害藏爭共發之揮鋤銛破見一鴟闐然飛出立於桑杪而伴人語曰今得見日光矣時清公已卒也

并此

并此四明奉化人形裁腰腹威頓脣腹言語無恒寢卧  
隨處常以杖荷一布袋凡供身之具盡貯袋中入市肆  
見物則乞號長汀子人稱為布袋和尚嘗卧雪中雪不  
沾衣示人禍福輒應天將雨即着濕草履途中驟行遇  
充陽即曳高齒木屐市橋上登膝而眠有一僧過師前  
師拊其背僧回顧師曰乞我一文僧曰道得即與一文  
師乃放下布袋叉手而立白鹿和尚問如何是佛法大  
意師放下布袋叉手又問莫更有向上事否師乃負之

而去梁貞明三年三月於岳林寺東廊下端坐磐石而  
說偈曰彌勒真彌勒分身千百億時時示世人世人自  
不識偈畢安然而逝

### 道育

道育新羅國人景福中來遊天台掛錫於平田精舍恒  
持一鉢受食食訖畧經行而常坐脇不着席日中酒掃  
殿廊料理常住得殘羹剩食雖色惡氣變收貯於器齋  
時自食與僧俱溜浴煎茶遇薪木中蠶蠶乃置之遠地  
所服皆大布袍其重難荷每夏首以至秋末日映即裸

露背。背。肚。臍。云。何。蚊。蚋。蟬。蛭。并。諸。種。蟲。螫。嚙。至。於。血。滿。丹。地。未。嘗。色。變。行。之。四。十。餘。年。意。無。怠。廢。凡。封。晤。賓。主。止。云。伊。伊。二。字。雖。不。通。華。語。而。解。識。人。意。了。無。差。脫。頭。髮。垂。白。眉。長。數。寸。身。出。紺。赤。色。含。利。有。如。珠。顆。人。或。求。之。隨。意。皆。獲。至。晉。天。福。中。坐。脫。揣。其。年。殆。八。十。餘。也。或。云。凡。供。養。羅。漢。大。齋。日。育。則。不。食。人。疑。其。爲。應。真。云。

### 宗季

宗季錢塘人。姓俞氏。孤僻高邁。羅隱聞丘方遠賞歎其才。請講諸論。弟子八百餘人。季眇二目。神光引行。嘗。

古師之述作日可俯而窺也遂詮註經文五六種俱妙得無言之旨一時人稱之日季公筆下有蓮

### 皓端

皓端嘉禾人姓張氏九歲出家師授經法如溫業後聽希覺律師講律入耳通明義門無塵後依玄獨禪師了一心三觀遂撰金光明經隨文釋十餘卷由是兩宗法要一徑路通武肅王召於羅漢院宣導賜紫衣署崇靖大師不出山門者二十餘年身無長衣口無豐味居不履兩山惟一榻寢隆二年卒著述傳錄記讚七十許卷



學得其門者八百餘人。端性耿介，言無苟且。一坐之間，不談世論。惟以佛法爲已。任時稱傳翼象王。

### 從禮

從禮，襄陽人。出家登具，精持律範。游天台、山，掛錫平田精舍，推爲寺之上座。持重安祥，喜愠不形於色。惟行慈愍，時時示衆曰：波羅提木叉是我大師須知。出家非戒，則若猿猱之脫鎖焉。每所行持，切於布薩戒護之精，通於冥感。武肅王聞之，召入內道場，身惟一納，通夜不寐。同光三年入滅，報齡七十九。僧臘五十二。

桂琛

桂琛常山人。幼卓越。絕酒葷。爲萬壽無相律師侍者。年二十。卽剃落。爲大僧。初習毘尼。棄去。謁雪峰。存不大獲。明。又事玄沙。遂臻其奧。慧琛齊名號二大士。琛能秘重大法。痛自韜晦。然叢林指目。以爲雪峰法道之所寄也。初住漳州石山。十餘年。遷止羅漢。破垣敗簣。人不堪。慈愛非忘身。爲法者不至。一日有僧來報。保福遷化也。琛曰。保福遷化。地藏入塔。時琛住地。藏乃石山也。於時學者莫測其旨。琛閱之。爲作明道偈。有曰。至道淵曠。勿

以言宣以言宣者埋沒宗旨非意陳無以見聞見聞  
不脫如水中月於此不明翻成剽法後唐天成三年秋  
忽示微疾沐浴安坐而化

文益

文益餘杭人初從開元希覺律師受具足戒習毘尼王  
夫章覺大奇之俄辭去謁長慶稜道者無所契悟與善  
脩洪邁自漳州抵湖外將發而雨溪壯不可渡顧城隍  
有古寺休於門下雨不止入堂有老僧坐地爐是益師  
曰此行何之曰行脚去又問如何是行脚事對曰不知

曰不知最親切益疑之三人者附火舉拳公語至天地  
與我同根處老僧又曰山河大地與自己是同是別益  
曰同老僧樹兩指熟視曰兩箇卽起去益大驚周行處  
廬讀寺額曰石山地藏顧語脩葺曰此老琛禪師也意  
欲留此業已成行琛送之門問曰上座尋常說三界惟  
心乃指庭下石曰此石在心内在心外益曰在心内琛  
笑曰行脚人著甚來由安塊石在心頭耶益無以對乃  
俱求決擇尋皆出世益住臨川崇壽寺諸方叢林咸遵  
道化益謂機順物斥滯磨昏應病與藥隨根悟入者不

可勝計。嘗指竹問僧曰：「還見麼？」曰：「見。」益曰：「竹來眼裏，眼到竹邊。」曰：「物一不與麼？」益曰：「死急作麼？」有偈曰：「三界惟心，萬法惟識，惟識惟心，眼聲耳色，色不到耳，聲何觸眼，眼色耳聲，萬法成辦，萬法匪緣，豈覩如幻，大地山河，誰堅誰變。」周顒德五年七月示疾，剃髮沐浴，辭衆訖，跏趺而化。顏貌久而如生，闍維收舍利建塔，謚曰：「大法眼禪師。」

### 法瓌

法瓌，未詳其氏族，得法文益禪師門下，推爲龍象，住杭

州奉先寺開筵說法機鋒迅利四方義學鮮有當其  
難者清涼法嗣於斯爲盛僧問釋迦出世天雨四華地  
搖六動未審和尚今日有何祥瑞瓊曰大衆盡見曰法  
王法如是也瓊曰人王見在問淨慧寶印和尚親傳今  
日一會當付何人瓊曰誰人無分曰恁麼卽雷音普震  
無邊刹也瓊曰也須善聽時稱普照禪師

惠明

惠明錢塘人姓蔣氏研覈三學漸入精微後禮文益禪  
師深符正理情先所宗不免生滅情見遂隱天台白洑

立草寮有雪峰長慶之風四加參詳者遺其詰責無不  
權鋒法音大振時漢南國王錢氏造大報恩寺請明休  
持假號圓通普照禪師

德韶

德韶龍泉人年十五有梵僧見之拊其背曰汝當出家  
塵中無置汝所也遂薙落受滿分戒於信州開元寺道  
龍牙遁禪師問雄雄之爲因作麼親近不得遁曰如火  
與火曰忽遇水來又作麼生遁曰汝不會我語又問天  
不蓋地不載此理如何遁曰合如是韶惘然往見疎山

矮師叔問百市千重是何人境界矮曰左搓麻繩縛  
子曰不落古今請師說矮曰不說曰爲什麼不說矮曰  
箇中不辨有無韶曰師今善說矮駭之久而辭去所  
少留見知識五十四人括磨搜剝窮極隱秘不知端倪  
心志俱疲至曹山但隨衆而已無所容叅有僧問法眼  
禪師曰十二時中如何得頓息萬緣去法眼曰空與汝  
爲緣耶色與汝爲緣耶言空爲緣則空本無緣言色爲  
緣則色心不二日用果何物爲汝緣乎韶聞悚然異之  
又有問者曰如何是曹溪一滴水法眼曰是曹溪一滴



本於是都大悟於座下平生凝滯渙若氷釋感涕沾衣  
法眼曰汝當大宏吾宗行矣無自滯於是遊天台觀知  
顓禪師遺蹟如故居蹉然有終焉之志初寓止白沙吳  
越忠懿王迎至錢塘尊事之以爲國師韶說法簡要撥  
去枝蔓嘗曰眼中無色識色中無眼識眼識二俱空何  
能令見色是眼則不能自見其本體若不能自見云何  
見餘物古聖方便皆爲說破若於此明得寂靜法不寂  
靜法也收盡明得遠離法不遠離法亦收盡未來現在  
亦無遺餘名一法界何有遮障各自信取僧義寂靜

曰智者之教年祀寢遠必多散失唯新羅國有善本願  
藉慈力致之使再開東土人天眼目韶以聞忠懿王遣  
使航海傳寫以還宋開寶四年華頂西峰忽摧六月有  
星隕於峰頂林木皆白未幾集衆告別而化號韶國師

### 志逢

志逢錢塘人嗣法韶國師神人膝席請勿棄滌鉢之水  
自此盡飲之吳越國王欽其道風命住功臣院玄侶輻  
輳開寶初忠懿王創普門精舍三請住持再楊宗要卽  
普門第一世也尋歸老五雲每携大扇乞錢買肉飼虎

虎迎載還山。雍熙初示滅塔曰寶峰常照之塔。

### 慧明

慧明杭州人。姓蔣氏。稚齒出家。壯遊閩越。歷探諸會。莫契本心。後至臨川。謁淨慧禪師。師資道合。尋廻鄞水。庵居大梅時。吳越部內。禪學雖盛。而以玄沙正宗置之闕外。明欲整而導之。一日有二禪客到。明問曰。上座離什麼處。曰。都城。明曰。上座離都城到此山。則都城少。上座此山剩。上座剩。則心外有法。少則心法不周。說得道理。卽住。不會卽去。禪客不能對。尋遷於天台山。卓庵白沙。

時有朋彥上座博學強記來訪明敎論宗乘明日言多  
去道遠矣今有事借問只如從上諸聖及諸先德還有  
不悟者也無朋彥曰若是諸聖先德豈有不悟者哉明  
曰一人發真歸源十方虛空悉皆消殞今天台巖然如  
河得消殞去朋彥不知所措自是他宗汎學來者皆爲  
服膺漢乾祐中吳越忠懿王命住資崇院署圓通普照  
禪師

永安

永安永嘉人姓翁氏初依彙征隨師入國忠懿王命征

爲僧正安心不喜擬潛往閩川投訪禪會屬路岐艱阻遂回天台山結茅而止尋遇韶國師開示頓悟本心忠懿王欽其名命住越州清泰院次召居上寺署正覺空慧禪師僧問如何是西來意安曰汝過這邊立僧移步安曰會麼曰不會安示偈曰汝問西來意且過這邊立昨夜三更時雨打虛空濕電影豁然明不似蚰蜒急尋示疾告衆爲別有僧問昔日如來正法迦葉親傳未審初尚玄風百年後如何體會安曰汝什麼處見迦葉來曰怎麼卽信受奉行不忘斯旨也安曰佛法不是這箇

道理言訖坐亡。既闍維而殯。相不壞。柔嫩如紅蓮葉。今藏於普賢道場中。安以華嚴李長者釋論旨趣宏奧。因與經合成百二十卷。雕印徧行天下。

清昱

清昱永嘉人。得法於天台國師。忠懿王召入問道。建奉先寺大佛寶閣。延昱居之。演暢玄旨。署圓通妙覺禪師。僧問如何是西來意。昱曰。高聲舉似大眾。開寶中示滅。

願濟

願濟錢塘人。姓江氏。初依水心寺紹巖禪師出家受具。

習智者教精研止觀圓融行門復參天台國師發明玄  
奧乃住雁蕩山吳越王新建光慶寺請濟住持仍於禪  
衆中訪求名行三百人同居新寺僧問夜月舒光爲什  
麼碧潭無影濟曰作家弄影漢其僧從東過西立濟曰  
不惟弄影兼乃怖頭未幾因辭入山太平興國中示滅  
道潛

道潛河中府人姓武氏初詣臨川淨慧禪師一見異之  
便容入室一日淨慧問曰子於衆請外看什麼經曰看  
華嚴經淨慧曰總別同異成壞六相是何門攝屬潛對

曰。文在十地品中。據理則世出世間一切法皆具六相。  
曰空。還具六相也。無潛。蒙然無對。淨慧曰。子却問吾潛。  
乃問曰。空還具六相也。無淨慧曰。空潛。於是開悟。踊躍。  
禮謝淨慧曰。子作麼生會。潛曰。空淨慧然之。異日因四  
眾士女入院。淨慧忽問潛曰。律中道。隔壁聞釵釧聲。卽  
名破戒。兄觀金銀合雜。朱紫駢闐。是破戒。不是破戒。潛  
曰。好箇入路。淨慧曰。子向後有五百毘徒。而爲王侯所  
重。在潛尋禮辭。駐錫衢州古寺。忠懿王命入府。受菩薩  
戒。署慈化定慧禪師。建大伽藍。號慧日永明。請潛居之。



滑日欲請塔下羅漢銅像過新寺供奉王曰善哉予昨夜夢十六尊者乞隨禪師入寺何照應之若是仍於師號中加應真二字

清聶

清聶福清人初參淨慧一日淨慧指雨謂聶曰滴滴落上座眼裏聶初不喻後閱華嚴經感悟卽承印可廻止明州四明山卓錫忠懿王命於臨安兩處開法後居靈隱上寺署了悟禪師上堂示衆曰十方諸佛常在汝前遠見麼若言見將心見將眼見所以道一切法不生一

切法不滅若能如是解諸佛常現前僧問如何是摩訶般若。聳曰雪落茫茫僧無語。聳曰會麼。曰不會。聳遂有頌曰摩訶般若非取非捨若人不貪風寒雪下

本先

本先永嘉人。兒稚不甘處俗。去依集慶院爲沙彌。詣天台韶國師。服勤十年。住菴鹿寺。足不履城邑。手不度財帛。不設卧具。不衣繭絲。卯齋終日。宴坐申旦。誨誡門弟子。踰三十年。其志彌厲。謂衆曰。吾初見天台。言下便薦。然千日之內。四威儀之中。似物碍膺。如響同處。一日忽

然猛省譬如洗面摸着鼻孔又曰華嚴稱佛身充滿於法界是真箇也無且如佛身既已充滿法界菩薩界緣覺聲聞界人天脩羅界餓鬼畜生地獄界應無處踰如是理論大是聲說尋常說諸法所生惟心所現且道即今五根所對六境與汝是同是別同則何不作一塊別則如何說惟是一心大須着精彩佛法不是等閒大中祥符元年二月謂門弟子如晝曰爲我造箇雁塔塔成我行矣八月望日畢工道俗造山惟恐其後是日如平居至午時安坐方丈手結寶印謂如晝曰古人曰騎虎

頭揅虎尾中央事作麼生如畫曰也祇是如畫先曰汝問我畫乃問騎虎頭揅虎尾中央事作麼生先曰我也弄不出於是奄然開一目微視而寂所著有竹林集十卷

宗一

宗一福州候官人自西峰受業叅天台得旨國師授之法衣時有僧問曰大庾嶺頭提不起如何傳授於師一指起衣曰有人敢道天台得麼吳越忠懿王命闢法住持玄徒臻萃上堂示衆曰達磨大師云吾法三千年後

不移絲髮山僧今日不移達磨絲髮先達之者共相證  
明若未達者不移絲髮僧問洪鐘韻絕大衆臨筵祖意  
西來請師提唱一日洪鐘韻絕大衆臨筵後遷住於怡  
山長慶末幾卒於所住

緣德

緣德臨安人師事東山勤公剃髮受具神觀靖深中空  
外夷以精進爲佛事徧遊諸方爛熳叢席至襄州清澗  
講進禪師棲遲不去久之江南李氏有國德混跡南  
之上藍寺楚國宋齊丘至遊經堂衆僧趨迎德閱經自

若齊丘旁立睨之。德不甚顧答。齊丘問上座看甚經。德舉示之。齊丘異焉。力請住舍利幽谷。雙嶺諸刹。德無所事。去留所至。頽然默坐。而學徒自成規矩。平生着一衲。褙以繩貫其褙處。夜申。其褙以當被。後主聞其名。延入禁中。問佛法大意。勅建寺於廬山之陰。石耳峰之下。開基日。得金像觀世音於土中。賜名圓通。太平興國二年。升堂曰。脫離世緣。乃在今日。以衲衣并所着木屐留付山中。使門人累青石爲塔。曰。他日塔作紅色。吾再至也。乃化。謚曰道濟禪師。

圓達

圓達慈谿人。戒行清苦。定明慧融。結庵蓀湖。講演經教。法鼓之聲。與潮音俱遠。及示寂。舌生青蓮花。芬芳異常。七日不萎。龕其全身。塔於庵左。

寶達

寶達羅刹利法師。晦跡雪隱山。善持秘呪。晉天福時。浙江水溢。激射湖山。寶達誦呪止之。夜有偉人。朱衣黑冠。謂達曰。伍員復求雪耻爾。感師慈心。爲物。員聞命矣。自是潮擊西興。而杭州東岸沙漲數里。至今雪隱有印沙。

林照佛鑑皆其遺跡也。

### 蔣居士

居士名宗霸。姓蔣氏。奉化人。爲人慈善溫謹。口誦摩訶。鄉人皆稱之曰蔣摩訶。與岳林布袋和尚爲道伴。一日同浴長汀。摩訶視布袋背上。有目。布袋曰。吾爲汝所窺。當去矣。吾以布袋贈汝。當代吾行化。布袋歸岳林坐脫。塋封山後數年矣。越帥遣一卒過局。忽遇布袋道中。卒舊遊四明。嘗識之。乃語卒曰。爲吾謝摩訶。相見已近。願自愛。卒歸至岳林。以語摩訶。摩訶曰。吾知之矣。一日造



城偏別親知而逝

得倫

得倫永嘉崇明律院祖師也嘗以錐刀自隨入郭必由  
北市以歸未嘗南顧或問錐刀何用荅曰打鼓進問何  
不慈悲荅云慈悲不少有丐其錐刀者則歎曰汝無錐  
刀從我覓邪乃以與之且曰墮地則天下太平未幾錐  
氏納土人謂錐刀墮地之驗世稱錐刀尊者

延壽

延壽餘杭人自其兒稚知敬佛乘日誦法華經羣羊跪

聽年二十八爲華亭鎮將嘗乘舟歸錢塘見漁船萬尾  
戢戢惻然意折以錢易之放於江裂縫掖投永明岑禪  
師剃髮受具衣不繒纈食不重味持頭陀行嘗習定天  
柱峰之下尺鷁巢於衣襖時韶國師眼目世間北面而  
師事之韶曰汝於元帥有緣他日大作佛事惜吾不及  
見耳遂振錫金華大柱峰禪觀中見觀音以甘露灌其  
口遂獲辯才後演法於雪竇建隆元年忠懿王移之於  
靈隱新寺爲第一世明年又移之於永明寺爲第二世  
日課一百八事未嘗暫廢學者叅問指心爲宗以悟爲

則弟子一千七百人時號慈氏下生嘗以一代時教流傳此上不見大全而天台賢首慈恩性相三宗又互相矛盾乃爲重開館三宗知法比丘更相設難至波險處以心宗指要折中之因集方等秘經六十部西天此土聖賢之語三百家以佐三宗之義爲一百卷號宗鏡錄天下學者傳誦焉聲被異國高麗遣僧航海問道國王授書叙門弟子之禮奉金絲織成伽梨水晶數珠金澡瓶等并僧三十六人親承印記相繼歸本國各化一方開寶八年十二月示疾焚香薨衆跏趺而化塔於大慈

蘇亮永明智覺禪師

略思

略思常熟人姓路氏住慈光院洞明旨教不離衣鉢不蓄貨財不近豪族弟子有晚飲暮韻湯者卽時填出後觀白光出於井中乃絕粒念佛面西而逝同院俱聞空中有絲竹鈴鐸聲久而始寂

朋彥

朋彥永嘉人姓秦氏出家開元寺初參寶資和尚歸隱天台之室悟正法眼自此隨緣開法姑蘇節帥錢仁奉

禮重創長壽院請轉法輪僧問如何是徑直之言彦曰千迂萬曲曰怎麼卽無不總是也彦曰是何言歟問如何是道彦曰販涉不易建隆二年示寂謚廣法大師

### 行脩

行脩字法真年十三進具遍叅諸方得法於雪峰存禪師生有異相耳長九寸上過於頂下可結頤號長耳和尚自天台寒巖來遊錢塘吳越王待以賓禮住法相院每入城人爭歡喜望施士女每牽其耳結於頤下脩唯默笑或勸人曰但一作福能遮百醜永明語錢王長耳

和尚定光佛也。脩聞之曰。彌陀饒舌。遂結跏而逝。弟子  
深其真身。祀之。至今雙目爛。若有光。

文遂

文遂錢塘人。兒稚出家。資性穎悟。博通內外典。工於文  
筆。嘗註楞嚴經。自以爲深得常住真心之旨。一日往謁  
法眼禪師。詰之曰。八還中明還日輪。日還什麼。文遂惛  
然不覺汗下。明日焚其註。歎曰。幾被他悞了一生。依法  
眼得忘知解。李國主錫號雷音大師。

義澄

義澄富陽人年十二投龍門德詮出家周顯德中年幾六十始祝髮脩頭陀行訪道四方宋咸平初住信州玉山洞巖縣令章得象異之以聞真宗召對深契無生之理賜號明慧大師後還至錢塘以苦熱得疾作偈曰本來無質豈有去住要識真歸南來北去端坐而逝年一百八十有二

### 幼璋

幼璋唐相國夏侯孜之猶子七歲依慧遠禪師剃髮又十年受具足戒年二十五游方見騰騰和尚於江陵騰

騰喟曰汝住天台尋靜而居遇安卽止已而又見憨憨和尚憨憨拊之曰汝却後四十年有巾子山下菩薩王於江南于時我法乃昌遂去璋至天台山於靜安鄉建福唐院已符騰騰之言又住隱龍院中和四年浙東飢疫璋於溫台明三郡收葬遺骸數千時號悲增大士天祐三年錢尚父遣使賁衣服香藥入山致請至府署志德大師建瑞龍寺以居之禪者雲趨而集又辨憨憨之語天成一年四月忽從尚父乞墳尚父笑曰師便爾乎卽命使擇地建塔塔畢璋往辭尚父喟以護法卹民還



安坐而化。詔改天台龍隱爲隱迹云。

### 從瓊

從瓊福州人。姓陳氏。少出家石梯。初住稱心。後卓錫梵之報慈院。開筵說法。學者多得所未有。一僧問古人有言。今人看古教。未免心中鬧。欲免心中鬧。應須看古教。如何是古教。瓊曰。如是我聞。僧曰。如何是心中鬧。瓊曰。那畔雀兒聲。至開寶初。沐浴易衣。告門人付囑訖。右脇而逝。

紹藏雍州人、姓劉氏、與天台部國師同受記於臨川、後住西湖水心寺、誦法華經二萬部、以安養爲期、感陸地生蓮、舉城瞻矚、巖峴奉而蹂之、吳越王命巖開法、署了空、大智、常照禪師、開寶四年七月示疾、謂門弟子曰、諸行無常、卽常住相、言訖、跏趺而逝。

遇安

遇安錢塘人、姓沈氏、卅歲出家、華頂、依年受具、尋遇韶國師、密辨宗旨、吳越王命住傾心院、次居天龍、安僖王請於光慶寺、攝衆、署善智禪師、僧問無價寶珠、請師分

付安曰善能吐露曰恁麼卽人人共足也安曰珠在什麼處僧乃禮拜安曰也是虛言安有時示衆曰欲識曹溪旨雲飛前面山分明眞實箇不用別追攀太平興國三年隨寶塔見於洪福殿賜紫衣號明智大師尋還故山示寂

師簡

師簡莫知所自初憇天台戲龍院時大旱有龍卧巖間簡以杖叩之曰時方需雨而爾何得縱卧獨不畏墮落乎龍忽天矯擎青天飛去隨卽霽簡善書求者多以

煮酒易之。德韶常語人曰：此簡羅漢也。後示寂，葬塔下。骨天台山下。

### 游道者

游道者，名善，幽松陽人。受業於遂昌之重光院，與人無忤犯之，亦未嘗失色。每晨摘野蔬，拾腐薪煮之，不用常佳。寸薪尺芻，一日跌坐而化。院僧納之棺，坐如故。三總之，皆坐然。時忠懿王聞之，使使漆其真身，建殿祀之。有所禱，至今響答云。

### 智勤

智勤不知何許人住天台山紫凝普聞寺手不能書而心通了義嘗有頌示衆曰今年五十五脚未蹋寸土山河是眼睛大海是我肚或問禪師世尊還解書也無幾日天下人知至淳化初示疾命侍僧開浴浴訖垂試纔衆安坐而逝塔於本山三年後門人遷塔發龕觀師全身不散容儀儼若髭髮仍長迎入新塔

友蟾

友蟾錢塘人得度於朗瞻院聞天台國師盛化遠趨函丈寄印心地初住雲居普賢僧侶雲集忠懿王嘗慈憐

禪師遷止上寺。衆盈五百。僧問鼓聲纔動。大衆雲臻。師上宗乘。請師舉唱。蟾曰。虧汝什麼。曰。恁麼。卽人人盡當思去也。蟾曰。莫亂道。淳化初。示滅。歸骨於本山。

全肯

全肯。婺州人。出家智者寺。初參天台。天台問汝名什麼。曰。全肯。天台曰。肯箇什麼。肯乃禮拜。住後有僧問。有人不肯。師還甘也無。肯曰。若人問我。卽向伊道。太平興國中。無疾而逝。弟子紹忠繼世說法。識者以爲不墮祖風。

曉榮

曉榮溫州人。姓鄧氏。幼依瑞鹿寺出家。登戒。往叅天台國師。密承心印。初居淨福。後遷龍冊。兩處開筵。大鳴法鼓。僧問如何。是般若大神珠。榮曰。般若大神珠。分形萬億。軀塵塵。彰妙體。剎剎盡。毘盧問。日用事如何。榮曰。一會周沙界。日用萬般通。湛然常寂。滅常轉。自家風。歸寂於秀州淨土院。世壽七十一。晉臘五十六。

慶祥

慶祥餘杭人。姓沈氏。身長七尺餘。辯才冠衆。多聞強記。天台門下。推爲傑出。柱杭州九曲觀音院。隨機說法。傳

問險惡道中。以何爲津梁。祥曰。以此爲津梁。曰。如何是此祥。曰。築着汝鼻孔。

行明

行明杭州于氏子。出家雪竇。從智覺禪師披剃。及智覺遣住永明。法化彌盛。明自天台受記回翼贊。永明海衆欽仰。忠懿王建六和寺。延請住持。二處開延法雨。霑於四部。僧問。如何是開化門中。流出方便。明日。日日潮音。兩度聞問。如何是無盡燈。明日。謝闍黎照燭。太宗皇帝賜紫衣。號口傳法大師。



遇安

遇安福州人得法天台嘗閱首楞嚴了義時謂之安楞嚴將示涅槃法嗣蒞仁侍坐安乃說偈曰不是嶺頭携得事豈從鷄足付將來自古聖賢皆若此非吾今日爲君裁既說偈付囑乃命香湯浴身易衣安坐令昇棺至室良久自行入棺經三日門人相與啟棺覩安右脇吉祥而卧四衆哀慟安乃再起上堂說法及訶責垂誡曰此度更啟吾棺者非吾之子也言訖復入棺長往

遇臻

通臻越州人。姓楊氏。出家大善。年滿登具。預天台之室。親承印記。晏居齊雲。學徒奔湊。僧問如何。は無縫塔。臻曰。五六尺。其僧禮拜。臻曰。塔倒也。問圓明了知。爲什麼。不因心念。臻曰。圓明了知。曰。何異心念。臻曰。汝喚什麼。作心念。臻於秋夕間坐。偶成頌曰。秋庭肅肅風颼颼。寒星列空瞻魄高。揩顙靜坐神不勞。鳥窠無端拈布毛。其諸歌頌。皆觸事而作。三百餘首。流行禪唱。至道中。卒於所住。

義寂

義寂字常照姓胡氏温州永嘉人既通律義復精止觀其所易解猶河南一編照也先是天台教迹燬於兵燹零編斷簡本朽枝摧寂思鳩集適金華古藏中得淨谷一疏而已乃告部國師囑人泛舟日本購獲僅足出是書壁復完微寂此宗學者幾握半珠以爲家實錢忠懿王累請開講私署淨光大師

王羅漢

王羅漢者不測之僧也住明州乾符寺酷嗜羶肉出言若風狂後亦多驗嘗曝衣有盜者將欲舉衣低頭作勝

有物人就之乞終無吝色開寶六月初忽坐終三日後  
漆布之忽聞兩頰間鳴咤聲皆云漬爛夜寄夢與數人  
曰布漆我昏悶如何開焉明日召漆工剝起肉色紅白  
有圓粒舍利墮落收而供養至今肉身存乎本寺漢南  
國主錢氏私易名爲密脩神化尊者

一行瑫

行瑫姓陳氏湖州長城人少出家誦法華經月未五辰  
而畢軸年登受具從金華智新傳南山律鈔弭節服膺  
流輩推揖常至食時以不罄之米雜菜茹投小鑊中叅

煮而食此外斷無重味義解之心理焚破木都無難色  
寺往會稽樂若耶山水遂置看經道場於寺之西北隅  
構樓閣堂宇蔚成別院披閱大藏旁探經論慨其郭逵  
音義疎略慧琳音義不傳遂述大藏經音疏五百許卷  
大行於世周顯德三年終于所住報齡六十二法臘四  
十四

彥求

彥求緇雲人姓葉氏納戒後造景霄律席入毘尼秘藏  
復悟沓婆羅漢反求堅固法乃游閩嶺得長禪師心訣

同住丹丘之六通院。道望惟馨。與申椒菌桂爭其芬烈也。漢南國王欽其高行。命居功臣院。聚徒開演。求好營衆。事務必身先。惟以利人爲急。受施必歸常住。時屬度戒。四方雲聚。日供數千僧食。未告匱計其所飯。前後不下數億云。建隆中卒於所住。

兩浙名賢外錄卷之五終